

資治通鑑今註卷四十一

司馬光編集
桑秀雲注

漢紀三十三 起強圉大淵獻，盡屠維赤奮若，凡三年。
丁亥至己丑，西元二十七年至二十九年。

世祖光武皇帝上之下

建武三年 西元
二十七年

(一) 春，正月，甲子（初六日），以馮異爲征西大將軍①。鄧禹慙於受任無功，數以飢卒微②赤眉戰，輒不利；乃率車騎將軍鄧弘等自河北③度至湖④，要馮異共攻赤眉。異曰：「異與賊相拒數十日，雖虜獲雄將，餘衆尙多，可稍以恩信傾誘，難卒用兵破也。上今使諸將屯澠池⑤，要其東，而異擊其西，一舉取之，此萬成計⑥也！」禹、弘不從，弘遂大戰移日⑦。赤眉陽⑧敗，棄輜重走；車皆載土，以豆覆其上，兵士飢，爭取之。赤眉引還，擊弘，弘軍潰亂；異與禹合兵救之，赤眉小却。異以士卒飢倦，可且休；禹不聽，復戰，大爲所敗，死傷者三千餘人，禹以二十四騎脫歸宜陽⑨，異棄馬奔走，上回谿⑩阪，與麾下數人歸營，收其散卒，復堅壁自守。

(二) 辛巳（二十三日），立四親廟⑪於洛陽，祀父南頓君以上至春陵節侯。

(三) 壬午(二十四日)，大赦。

(四) 閏月乙巳，(是年閏二月。閏二月不應置於二月之前，疑此「閏月」爲「二月」之誤，而下文「二月」爲「閏月」之誤。如爲二月，戊子朔，乙巳應爲十八日；閏二月，戊午朔，無乙巳日。)鄧禹上大司徒、梁侯印綬；詔還梁侯印綬，以爲右將軍③。

(五) 馮異與赤眉約期會戰，使壯士變服與赤眉同，伏於道側。旦日④，赤眉使萬人攻異前部，異少出兵以救之。賊見勢弱，遂悉衆攻異，異乃縱兵大戰。日昃⑤，賊氣衰，伏兵卒起，衣服相亂，赤眉不復識別，衆遂驚潰；追擊，大破之於崤⑥底，降男女八萬人。帝降璽書勞異曰：「始雖垂翅回谿，終能奮翼澠池，可謂失之東隅，收之桑榆⑦。」方論功行賞，以答大勳。」

赤眉餘衆東向宜陽。甲辰，(是年閏二月無甲辰日，二月甲辰應爲十七日。)帝親勒六軍，嚴陳⑧以待之。赤眉忽遇大軍，驚震不知所謂，乃遣劉恭乞降，曰：「盆子將百萬衆降，陛下何以待之？」帝曰：「待汝以不死耳！」丙午，(是年閏二月無丙午日，二月丙午應爲十九日。)盆子及丞相徐宣以下三十餘人肉袒⑨降，上所得傳國璽綬。積兵甲宜陽城西，與熊耳山⑩齊。赤眉衆尚十餘萬人，帝令縣厨皆賜食。明旦，大陳兵馬臨

雒水[㊟]，令盆子君臣列而觀之。帝謂樊崇等曰：「得無悔降乎？朕今遣卿歸營，勒兵鳴鼓相攻，決其勝負，不欲疆相服也。」徐宣等叩頭曰：「臣等出長安東都門，君臣計議歸命聖德[㊟]。百姓可與樂成，難與圖始，故不告衆耳。今日得降，猶去虎口歸慈母，誠歡誠喜，無所恨也！」帝曰：「卿所謂鐵中錚錚，傭中佼佼[㊟]者也。」戊申，（是年閏二月無戊申日，二月戊申，應爲廿一日。）還自宜陽。帝令樊崇等各與妻子居雒陽[㊟]，賜之田宅。其後樊崇、逢安反，誅；楊音、徐宣卒於鄉里。帝憐盆子，以爲趙王郎中[㊟]，後病失明，賜滎陽均輸官地[㊟]，使食其稅終身。劉恭爲更始報仇，殺謝祿，自繫獄；帝赦不誅。

（六）二月，（疑爲閏二月之誤。）劉永立董憲爲海西王[㊟]。永聞伏隆至劇[㊟]，亦遣使立張步爲齊王。步貪王爵，猶豫[㊟]未決。隆曉譬曰：「高祖與天下約，非劉氏不王；今可得爲十萬戶侯耳！」步欲留隆，與共守二州[㊟]，隆不聽，求得反命，步遂執隆而受永封。隆遣間使上書曰：「臣隆奉使無狀[㊟]，受執凶逆[㊟]；雖在困阨[㊟]，授命不顧。又吏民知步反畔，心不附之，願以時進兵，無以臣隆爲念。臣隆得生到闕廷[㊟]，受誅有司，此其大願。若令沒身寇手，以父母、昆弟長累[㊟]陛下。陛下與皇后、太子永享萬國，與

天無極^⑤。」帝得隆奏，召其父湛，流涕示之曰：「恨不且許而遽求還也！」其後步遂殺之。帝方北憂漁陽^⑥，南事梁、楚^⑦，故張步得專集齊地，據郡十二焉^⑧。

(七) 帝幸懷^⑨。

(八) 吳漢率耿弇、蓋延擊青犢於軹^⑩西，大破降之。

(九) 三月壬寅(十六日)，以司直^⑪伏湛爲大司徒^⑫。

(十) 涿郡^⑬太守張豐反，自稱無上大將軍，與彭寵連兵。朱浮以帝不自征彭寵，上疏求救。詔報曰：「往年赤眉跋扈長安，吾策其無穀必東，果來歸附。今度此反虜，勢無久全，其中必有內相斬者。今軍資未充，故須^⑭後麥耳！」浮城中糧盡，人相食，會耿况遣騎來救，浮乃得脫身走，薊城^⑮遂降於彭寵。寵自稱燕王，攻拔右北平^⑯、上谷^⑰數縣，略遣匈奴，借兵爲助；又南結張步及富平、獲索諸賊，皆與交通。

(十一) 帝自將征鄧奉，至堵陽^⑱。奉逃歸涇陽^⑲，董訢降。夏四月，帝追奉至小長安^⑳，與戰，大破之；奉肉袒因朱祐降。帝憐奉舊功臣，且覲起吳漢，欲全宥之。岑彭、耿弇諫曰：「鄧奉背恩反逆，暴師經年，陛下既至，不知悔善，而親在行陳，兵敗乃降；若不誅奉，無以懲惡！」於是斬之，復朱祐位。

(十二) 延岑既破赤眉，即拜置牧守^㉑，欲據關中。時關中衆寇猶盛：岑據藍田^㉒，王歆據下邳^㉓，芳丹據新豐^㉔，蔣震據霸陵^㉕，張邯據長安^㉖，公孫守據長陵^㉗，楊周據谷口^㉘，呂鮪據陳倉^㉙，角閼據汧^㉚，略延據盤厓^㉛，任良據鄠^㉜，汝章據槐里^㉝，各稱將軍，擁兵多者萬餘人，少者數千人，轉相攻擊。馮異且戰且行，屯軍上林苑^㉞中。延岑引張邯、任良共擊異；異擊，大破之，諸營保^㉟附岑者皆來降，岑遂自武關^㊱走南陽^㊲。時百姓饑餓，黃金一斤易豆五升，道路斷隔，委輸^㊳不至，馮異軍士悉以果實爲糧。詔拜南陽趙匡爲右扶風，將兵助異，並送縑、穀。異兵穀漸盛，乃稍誅擊豪傑不從令者，褒賞降附有功勞者，悉遣諸營渠帥^㊴詣京師，散其衆歸本業，威行關中。唯呂鮪、張邯、蔣震遣使降蜀^㊵，其餘悉平。

(十三) 吳漢率驃騎大將軍^㊶杜茂等七將軍圍蘇茂於廣樂^㊷，周建招集得十餘萬人救之。漢迎與之戰，不利，墮馬傷髀^㊸，還營；建等遂連兵入城。諸將謂漢曰：「大敵在前，而公傷臥，衆心懼矣！」漢乃勃然裹創而起，椎牛饗士^㊹慰勉之，士氣自倍。旦日，蘇茂、周建出兵圍漢；漢奮擊，大破之，茂走還湖陵^㊺。睢陽^㊻人反城迎劉永，蓋延率諸將圍之；吳漢留杜茂、陳俊守廣樂，自將兵助延圍睢陽。

(十四) 車駕^⑮自小長安引還，令岑彭率傅俊、臧宮、劉宏等三萬餘人南擊秦豐。五月己酉(二十四日)車駕還宮。

(十五) 乙卯晦，日有食之。

(十六) 六月壬戌(初七日)，大赦。

(十七) 延岑攻南陽，得數城；建威大將軍耿弇與戰於穰^⑯，大破之。岑與數騎走東陽^⑰，與秦豐合；豐以女妻之。建義大將軍朱祐率祭遵等與岑戰於東陽，破之；岑走歸秦豐。祐遂南與岑彭等軍合。

延岑護軍鄧仲况擁兵據陰縣^⑱，而劉歆、孫襲爲其謀主^⑲。前侍中扶風蘇竟以書說^⑳之，仲况與襲降。竟終不伐^㉑其功，隱身樂道，壽終於家。

秦豐拒岑彭於鄧^㉒，秋七月，彭擊破之。進圍豐於黎丘^㉓，別遣積弩將軍傅俊將兵徇江東，楊州悉定。

(十八) 蓋延圍睢陽百日，劉永、蘇茂、周建突出，將走酈^㉔。延追擊之急，永將慶吾斬永首降。蘇茂、周建犇^㉕垂惠^㉖，共立永子紆爲梁王。佼彊犇保西防。

(十九) 冬十月壬申(十九日)，上幸舂陵^㉗，祠園廟。

(二十) 耿弇從容言於帝，自請北收上谷兵未發者，定彭寵於漁陽，取張豐於涿郡，還收富平、獲索，東攻張步，以平齊地。帝壯其意，許之。

(二十一) 十一月乙未(十二日)，帝還自春陵。

(二十二) 是歲，李憲稱帝，置百官，擁九城^④，衆十餘萬。

(二十三) 帝謂太中大夫來歙曰：「今西州^⑤未附，子陽^⑥稱帝，道里阻遠，諸將方務關東，思西川方略，未知所在。」歙曰：「臣嘗與隗囂相遇長安。其人始起，以漢爲名。臣願得奉威命，開以丹青^⑦之信，囂必束手^⑧自歸；則述自亡之勢，不足圖也。」帝然之，始令歙使於囂。囂既有功於漢，又受鄧禹爵署^⑨，其腹心議者多勸通使京師，囂乃奉奏詣闕。帝報以殊禮，言稱字，用敵國之儀，所以慰藉之甚厚^⑩。

【註】

① 征西大將軍：世祖中興，前後左右雜號將軍衆多，皆主征伐，事訖皆罷。

② 徵：求取也；抄也。

③ 河北：今山西芮城縣東北。

④ 湖：今湖城縣西南。

⑤ 澠池：今河南宜陽縣西。

⑥ 萬成計：

謂萬無一失之計。

⑦ 移日：謂日影移動，經過若干時間。

⑧ 陽：假作。

⑨ 宜陽：今河南宜陽縣東。

縣東。

⑩ 回谿：今河南洛寧縣東北。

鬱林太守、祖父鉅鹿都尉、父南頓令之廟。

⑪ 右將軍：漢興，置右將軍。金紫位，次上卿。典京師兵衛四

夷屯營。武帝征四夷，有前後左右將軍，揚示威靈，折衝萬里。宜、元以後，雖不出征，猶有其官，位在諸卿上也。

⑤且日：明日。

⑥日昃：日斜。

⑦峭底：峭谷之底。峭，今河南洛寧縣西北。

⑧

東隅桑榆：東隅，東方日出之地，謂早也。桑榆，日將夕，在桑榆間，謂晚也。

⑨勒：統御之義。

⑩陳：陣也。

⑪肉袒：謂袒衣露體也。表示降服而從順。

⑫熊耳山：水經注曰：洛水之北，有熊耳

山，雙巒競舉，狀同熊耳。在宜陽西。

⑬雒水：即洛水，光武帝改洛爲雒。

⑭聖德：尊稱天子之詞

，此處指光武帝。

⑮鐵中錚錚，傭中佼佼：鐵中錚錚，言微有剛利；傭中佼佼，凡庸之人稍爲勝也。喻人之卓越者。

⑯雒陽：即洛陽。

⑰郎中：隸郎中令，宿衛官也。

⑱均輸官地：均輸，官名，屬

司農。以郡國貢輸，往來繁雜，物不償其費，故郡置輸官，以相給運，便遠方之貢，故曰均輸。賜祭陽均輸官地

，即使劉盆子爲祭陽之均輸官，並將此地賜給盆子，使食租稅。

⑲海西：琅邪郡作西海縣，今山東日照縣

。⑳劇：今山東昌樂縣。

㉑猶豫：遲疑不能決定。

㉒二州：指青州和徐州。

㉓無狀：

無善狀也，猶言不肖。

㉔凶逆：凶惡背叛之人，指張步。

㉕困厄：艱苦也。

㉖闕廷：官闕朝

廷所在，指天子所居言之。

㉗累：勞乏曰累。

㉘無極：無窮盡也。

㉙北臺漁陽：（見卷四十

、四十二）蕭王（劉秀）北擊尤來、大槍、五幡於元氏，連破之，乘勝輕進，反爲所敗。賊退入漁陽，所過擄掠。

㉚南事梁楚：（見卷卅三，卅九）梁王永據國起兵，招諸郡豪傑，攻下濟陰、山陽、沛、楚、淮陽、汝南凡得廿八

城。遣使拜西防賊帥山陽佼彊爲橫行將軍，東海賊帥董憲爲翼漢大將軍，瑯琊賊張輔爲輔漢大將軍，督青徐二州

與之連兵，遂專據東方。

㉛據郡十二：步據城陽、琅邪、高密、膠東、東萊、北海、齊、千乘、濟南、平

原、泰山、舊川十二郡。

⑤懷：今河南武陟縣西南。

⑥軹：今河南濟源縣南。

⑦司直：官名

。漢武帝置，秩比二千石，掌佐丞相舉不法，位在司隸校尉上。

⑧大司徒：掌人民事，世祖即位時稱大司

徒，至建武廿七年去大，稱司徒。凡教民孝悌遜順謙讓養生送死之事，則議其制，建其度。凡四方民事功課歲盡，則奏其殿最而行賞罰。凡郊祀之事掌省牲，濯大喪則掌奉安梓宮。

⑨涿郡：治涿縣，今河北省涿縣治。

⑩須：待也。

⑪薊：今河北大興縣西南。

⑫右北平：郡治在今河北豐潤縣東十里南關城。

⑬

上谷：郡治在今察哈爾省之懷來縣。

⑭堵陽：河南裕州東六里。

⑮涪陽：亦作育陽，今河南南陽南

六十里處，呼爲緣陽村者。

⑯小長安：在涪陽。

⑰牧守：每州置牧一人，以八月巡行所部郡國，錄

囚徒，考殿最。每郡置太守一人。

⑱藍田：今陝西藍田縣西三十里。

⑲下邳：今陝西渭南縣東北。

⑳新豐：今陝西臨潼縣東。

㉑霸陵：在陝西咸寧，民國併入長安縣。

㉒長安：今陝西長安縣。

㉓長陵：今陝西咸陽縣東北四十里。

㉔谷口：今陝西涇陽縣西北，醴泉縣東北。

㉕陳倉：今陝西寶

雞縣東二十里。

㉖汧：今陝西隴縣南。

㉗墊屋：今陝西墊屋縣。

㉘鄠：今陝西鄠縣北二里。

㉙槐里：今陝西興平縣東南十里。

㉚上林苑：故址在今河南洛陽縣東洛陽故城西。

㉛營保：營堡。

㉜武關：陝西南縣東。

㉝南陽：今河南南陽縣。

㉞委輸：運輸。

㉟渠帥：猶言渠魁，賊之首

領也。

㊱蜀：時公孫述據蜀。

㊲驃騎大將軍：次於大將軍，霍去病曾爲之。

㊳廣樂：今河南虞

城縣。

㊴郟：同膝。

㊵椎牛饗士：椎，椎殺也。饗，設盛禮以飲賓。

㊶湖陵：今山東魚臺縣

東南六十里。

㊷睢陽：今河南商丘縣南。

㊸車駕：指天子。

㊹穰：今湖北襄陽城外東南隅。

④東陽：南陽郡育陽縣有東陽聚，今河南南陽東。

⑤陰縣：今湖北光化縣西。

⑥謀主：謂主謀其事

之人。

⑦說：晉稅，遊說也。

⑧伐：自誇其能曰伐。

⑨鄧：今湖北襄陽縣北。

⑩黎丘

：今湖北自忠縣東北。

⑪鄭：即鄭，今河南永城縣西。

⑫犇：古奔字。

⑬垂惠：垂惠聚，今

安徽蒙城縣北。

⑭春陵：世祖所立四親廟處。

⑮九城：廬江郡十二城，憲有九城。

⑯西州：

指隗囂。

⑰子陽：公孫述字子陽。

⑱丹青：楊子曰：「聖人之言，炳若丹青。」

⑲束手：謂

兩手自縛也。

⑳爵署：見卅九卷建武元年囂爲西州大將軍。

㉑慰藉：猶言慰勞也。慰：安之自上。

藉：安之自下。

四年西元
二十八

(一) 正月甲申(初二日)大赦。

(二) 二月壬子(初一日)，上行幸懷；壬申(二十一日)還雒陽。

(三) 延岑復寇順陽①；遣鄧禹將兵擊破之，岑犇漢中；公孫述以岑爲大司馬，封汝寧

王。

(四) 田戎聞秦豐破，恐懼欲降。其妻兄辛臣圖②彭寵、張步、董憲、公孫述等所得郡國以示戎曰：「雒陽地如掌③耳，不如且按甲④以觀其變。」戎曰：「以秦王之疆，猶爲征南⑤所圍，吾降決矣。」乃留辛臣使守夷陵⑥，自將兵沿江沔沔上黎丘⑦。辛臣於

後盜戎珍寶，從間道^㉖先降於岑彭。而以書招戎曰：「宜以時降，無拘前計。」戎疑臣賣已，灼龜卜，降兆中坻^㉗，遂復反，與秦豐合；岑彭擊破之，戎亡歸夷陵。

(五)夏四月丁巳(初七日)，上行幸鄴^㉘；已巳(十九日)，幸臨平^㉙；遣吳漢、陳俊、王梁擊破五校於臨平。鬲縣^㉚五姓^㉛共逐守長^㉜，據城而反；諸將爭欲攻之。吳漢曰：「使鬲反者，守長罪也。敢輕冒進兵者斬。」乃移檄告郡使收守長，而使人謝；城中五姓大喜，即相率降。諸將乃服曰：「不戰而下城，非衆所及也！」

(六)五月，上幸元氏^㉝；辛巳(初一日)幸盧奴^㉞，將親征彭寵。伏湛諫曰：「今兗、豫、青、冀^㉟，中國之都，西寇賊從橫，未及從化^㊱；漁陽邊外荒耗，豈足先圖！陛下捨近務遠，棄易求難，誠臣之所惑也。」上乃還。

(七)帝遣建義大將軍朱祐、建威大將軍耿弇、征虜將軍祭遵、驍騎將軍劉喜討張豐於涿郡。祭遵先至，急攻豐，擒之。初，豐好方術，有道士^㊲言豐當爲天子，以五綵囊裹石繫豐肘，云：「石中有玉璽」。豐信之，遂反。既執，當斬，猶曰：「肘石有玉璽」。傍人爲椎破之，豐乃知被詐，仰天歎曰：「當死無恨！」

上詔耿弇進擊彭寵，弇以父況與寵同功^㊳，又兄弟無在京師者，不敢獨進，求詣雒陽。

詔報曰：「將軍舉宗爲國，功效尤著，何嫌何疑，而欲求徵⑤！」況聞之，更遣弇弟國入侍。時祭遵屯良鄉⑥，劉喜屯陽鄉⑦，彭寵引匈奴兵欲擊之，耿況使其子舒襲破匈奴兵，斬兩王，寵乃退走。

(八) 六月辛亥(初二日)，車駕還宮。

(九) 秋，七月丁亥(初八日)，上幸譙⑧。

〔考異〕袁紀：「六月幸譙」，今從范書。遣捕虜將軍馬武、騎都

尉王霸圍劉紆、周建於垂惠。

(十) 董憲將賁休以蘭陵⑨降；憲聞之，自鄭⑩圍之。蓋延及平狄將軍山陽龐萌在楚⑪，請往救之。帝敕曰：「可直往擣⑫鄭，則蘭陵自解。」延等以賁休城危，遂先赴之。憲逆⑬戰而陽敗退，延等因拔圍入城。明日，憲大出兵合圍；延等懼，遽出突走，因往攻鄭。帝讓⑭之曰：「間欲先赴鄭者，以其不意故耳！今旣犇走，賊計已立，圍豈可解乎？」延等至鄭，果不能克；而董憲遂拔蘭陵，殺賁休。

(十一) 八月戊午(初十日)，上幸壽春⑮，遣揚武將軍南陽馬成率誅虜將軍南陽劉隆等三將軍發會稽、丹陽、九江、六安四郡兵擊李憲。九月，圍憲於舒⑯。

王莽末，天下亂，臨淮⑰大尹⑱河南⑲侯霸獨能保全其郡。帝徵霸會壽春，拜尙書令。

時朝廷無故典，又少舊臣，霸明習故事，收錄遺文，條奏前世善政法度，施行之。冬，十月甲寅（初七日），車駕還宮。

（十一）陳騫使馬援往觀公孫述。援素與述同里閭^㉔，相善，以爲既至，當握手歡如平生^㉕；而述盛陳^㉖陸衛^㉗以延援入，交拜禮畢，使出就館。更爲援制都布^㉘單衣^㉙、交讓冠，會百官於宗廟中，立舊交之位，述鸞旗^㉚、旄騎^㉛，警蹕就車，磬折^㉜而入，禮饗官屬甚盛，欲授援以封侯大將軍位。賓客皆樂留，援曉之曰：「天下雄雌未定，公孫不吐哺^㉝走迎國士，與圖成敗，反修飾邊幅^㉞，如偶人形，此子何足久稽^㉟天下士乎！」因辭歸，謂騫曰：「子陽井底蛙^㊱耳！而妄自尊大，不如專意東方^㊲。」

騫乃使援奉書雒陽。援初到，良久，中黃門^㊳引入。帝在宣德殿南廡^㊴下，但幘^㊵，坐，迎笑，謂援曰：「卿遨遊二帝間；今見卿，使人大慙。」援頓首辭謝，因曰：「當今之世，非但君擇臣，臣亦擇君矣！臣與公孫述同縣，少相善；臣前至蜀，述陸戟^㊶而後進臣。臣今遠來，陛下何知非刺客姦人，而簡易若是？」帝復笑曰：「卿非刺客，願說客耳！」援曰：「天下反覆，盜名字者^㊷不可勝數；今見陛下恢廓大度，同符高祖，乃知帝王自有真也。」

(十三) 太傅卓茂薨。

(十四) 十一月丙申(十九日)，上行幸宛^⑤。岑彭攻秦豐三歲，斬首九萬餘級；豐餘兵裁千人，食且盡。十二月丙寅(二十日)，帝幸黎丘^⑥，遣使招豐，豐不肯降；乃使朱祐等代岑彭圍黎丘，使岑彭、傅俊南擊田戎。

(十五) 公孫述聚兵數十萬人，積糧漢中；又造十層樓船，多刻天下牧守印章。遣將軍李育、程焉將數萬衆出屯陳倉^⑦，就呂鮪，將狗^⑧三輔。馮異迎擊，大破之，育、焉俱奔漢中。

〔考異〕公孫述傳：「使李育、程焉與呂鮪徇三輔。三年，馮異擊鮪，育於陳倉，大敗之。」按本紀，四年，馮異與述將程焉戰陳倉，破之。馮異傳亦在今年。蓋述傳誤以「四年」爲「三年」，「焉」作「焉耳」。異還擊破呂鮪營保，降者甚衆。

是時，隗囂遣兵佐異有功，遣使上狀。帝報以手書曰：「慕樂德義，思相結納。昔文王三分，猶服事殷^⑨，但駑馬、鈇刀^⑩，不可強扶，數蒙伯樂一顧之價^⑪。將軍南拒公孫述之兵，北御^⑫羌、胡之亂，是以馮異西征得以數千百人躡躅^⑬三輔。微將軍之助，則咸陽已爲他人禽矣！如今子陽到漢中，三輔願因將軍兵馬，旗鼓相當。儻肯如言，卽智士計功割地之秋也。管仲曰：『生我者父母，成我者鮑子^⑭』。自今以後，手書相聞，勿用傍人間構之言。」其後公孫述數遣間將出，囂輒與馮異合勢，共摧挫之。述遣使以

大司馬扶安王印綬授器；囂斬其使，出兵擊之，以故蜀兵不復北出。

(十六) 泰山豪傑多與張步連兵。吳漢薦強弩大將軍陳俊爲泰山太守，擊破步兵，遂定泰山。

【註】

① 順陽：今河南淅川縣東。

② 圖：謀取。

③ 如掌：形容地方狹小。

④ 按甲：按兵不動。

⑤ 征南：指岑彭，時岑彭爲征南大將軍。

⑥ 夷陵：今湖北宜昌縣東。

⑦ 黎丘：今湖北自忠縣東北。

⑧ 間道：僻徑。

⑨ 中坵：中裂。

⑩ 鄴：今河南內黃縣東北。

⑪ 臨平：今河南鹿邑縣西南五十

里。

⑫ 鬲縣：今山東陵縣西北。

⑬ 五姓：蓋當地強宗豪右。

⑭ 守長：胡三省曰：「守長者，

守鬲縣長，非正官也。」

⑮ 元氏：今河北元氏縣西北。

⑯ 盧奴：今河北定縣。

⑰ 兗、豫、青

、冀：兗州，今河北省西南部與山東省西北部。豫州，今河南省地。青州，今山東省地。冀州，今河北、山西二全省及遼寧省遼河以西、河南省黃河以北皆其地。

⑱ 從化：服從政令與教化。

⑲ 道士：西都有方士

，東都因稱爲道士。

⑳ 況與寵同功：耿況與彭寵，同有助漢之功。見三十九卷更始二年。

㉑ 徵：信

也。

㉒ 良鄉：今河北房山縣東。

㉓ 陽鄉：今河北涿縣東五十里有陽鄉亭。

㉔ 譙：今安徽亳縣。

㉕ 蘭陵：今山東嶧縣東五十里。

㉖ 鄆：今山東鄆城縣西南三十里，在沂、沐二水之間。

㉗ 楚：彭城

。㉘ 擣：擣虛，此兵法所謂攻其必救也。

㉙ 逆：迎。

㉚ 讓：責讓。

㉛ 壽春：今安徽壽縣。

㉜ 舒：今安徽廬江縣西。

㉝ 臨淮：臨淮郡，漢置，東漢廢。故治在今安徽盱眙縣西北。

㉞ 大尹：京

都置尹一人，二千石。

⑤河南：今河南洛陽縣西北五里。

⑥閑：閑也。援與述同爲茂陵人。

⑦平生：謂平時也。

⑧盛陳：排列很多。

⑨陸衛：衛士。

⑩都布：布名。

⑪單衣：方

言曰：「禪衣，江淮南楚之間謂之襍，關之東西謂之禪衣。」

⑫鸞旗：見第十三卷文帝元年第卅九註。

⑬旆騎：頭騎也。秦穆公伐南山大梓，有一青牛出，走入豐水中。其後牛出豐水，使騎擊之，不勝。有騎墮地，復上，髮解。牛畏之，入不出，故置旆頭騎以前驅。

⑭窘折：身體折屈，如窘之曲折。

⑮吐哺：周

公一飯三吐哺，以待天下之士。

⑯邊幅：小節。

⑰稽：留也。

⑱井底蛙：井底之蛙，見識狹

小。

⑲東方：指漢光武所處之雒陽。

⑳中黃門：比百石，掌給事禁中。

㉑廡：堂下周屋也。

㉒幘：包髮之巾。

㉓陸戟：衛士持戟來陸也。

㉔盜名字者：指竊盜位號以稱帝稱王者。

㉕宛

：今河南南陽縣。

㉖黎丘：今湖北自忠縣東北。

㉗陳倉：今陝西寶雞縣東廿里。

㉘狗：徇俗

字。

㉙文王三分，猶服事殷：孔子曰：「三分天下有其二，以服事殷。周之德可謂至德也已矣！」

㉚驚馬鈐刀：驚馬，最下等之馬；鈐，同鉛。自謙才劣，不可強相扶持。

㉛伯樂一顧之價：伯樂，古之善

相馬者。戰國策蘇代謂淳于髡曰：「人有賣駿馬者，比三日，立於市，市人莫之知。往見伯樂曰：『臣有駿馬欲賣之，比三且立市，市人莫與言。願子還而視之，去而顧之，臣請獻一朝之價。』伯樂如其言，一旦而價十倍也。」

。』

㉜御：讀曰禦。

㉝躑躅：徘徊不能去之貌。

㉞生我者父母，成我者鮑子：語見史記管晏

列傳。

㉟泰山：郡名，郡治在今山東泰安縣東北十七里。

五年西元二九年

(一) 春，正月，癸巳（十七日），車駕還宮。

(二) 帝使來歙持節送馬援歸隴右。

〔考異〕袁紀曰：「援與拒蜀侯國遊先，俱奉使，遊先至長安，爲仇家所殺。其弟爲囂雲旗將軍。來囂恐其怨恨，與援俱還長安。」按置

使被殺者，周遊也，不在此。

陳囂與援共臥起，問以東方事，曰：「前到朝廷，上引見數十，每接燕語

○，自夕至旦，才明勇略，非人敵也。且開心見誠，無所隱伏，闊達多大節，略與高帝同；經學博覽，政事文辯，前世無比。」囂曰：「卿謂何如高帝？」援曰：「不如也。

高帝無可無不可，今上好吏事○，動如節度，又不喜飲酒。」囂意不懌，曰：「如卿言，反復勝邪！」

(三) 二月丙午（初一日），大赦。

(四) 蘇茂將五校兵救周建於垂惠。馬武爲茂、建所敗，犇過王霸營大呼救。霸曰：「賊兵盛出必兩敗，努力而已！」乃閉營堅壁，軍吏皆爭○之。霸曰：「茂兵精銳，其衆又多，吾吏士心恐，而捕虜○與吾相恃，兩軍不一，此敗道也。今閉營固守，示不相援，賊必乘勝輕進；捕虜無救，其戰自倍。如此，茂衆疲勞，吾承其敝，乃可克也。」茂、建果悉出攻武，合戰良久；霸軍中壯士數十人斷髮○請戰。霸乃開營後，出精騎襲